

棗強縣志卷第七

陽湖楊元錫

同纂

蕭縣任銜蕙

地理志

星野

周禮保章氏以星土辨九州之地所封封域皆有分星以觀妖祥鄭康成謂大界則曰九州諸國之封域於星亦有分焉其書亡矣堪輿雖有郡國所入度非古數也今其存可言者十二次之分也大梁趙也春秋緯文耀鉤云布度定紀分州繫象大行以東至碣石王屋砥柱冀州屬樞星春秋元命包云昴畢間爲天街散爲冀州

分爲趙國爾雅云大梁昴也西陸昴也濁謂之畢邢昴
疏云大梁昴之次名也昴西方之宿名也昴又謂之西
陸昭四年左傳云古者曰在北陸而藏冰西陸朝覲而
出之畢西方之宿一名濁郭云掩兔之畢或呼爲濁因
星形以名蔡邕月令章句云周天三百六十五度四分
度之一分爲十二次日月之所躔也地有十二分玉候
之所國也每次三十二度三十三分之十四爲日至其
初爲節至其中爲中氣自胃一度至畢六度謂之大梁
之次清明穀雨居之趙之分野帝王世紀起胃七度費
直起婁十度各有不同史記天官書云昴曰髦頭畢曰
罕車又云昴畢冀州漢書地理志云趙地昴畢之分壘

北有信都真定常山中山東有廣平鉅鹿清河河間晉書天文志云清河入昴九度信都入畢三度真定入畢十三度唐書天文志云胃昴畢大梁也初胃四度中昴六度終畢九度其分野自魏郡濁漳之北得漢之趙國廣平鉅鹿常山東及清河信都北據中山真定全趙之分宋史天文志云辰星爲北方爲冬爲水於人五常智也五事聽也星經曰辰星主常山冀并幽州淮南鴻烈天文訓云西方曰昊天其星胃昴畢北方水也其神爲辰星明清類天文分野書云真定府昴畢分定冀二州皆昴分地理通釋云九州十二域或繫之北斗或繫之二十八宿或繫之五星冀主樞此繫之北斗者也大梁

趙此繫之二十八宿者也辰星主燕趙代此繫之五星者也

案張衡靈憲曰星也者體生於地精成於天列居錯時各有道屬保章氏所掌之書既亡而殷之巫咸周之史佚齊之甘德魏之石申夫皆掌著天人各論圖驗然所言星次已非古數鄭氏曾言之矣玉海引呂氏曰十二次蓋戰國時言星者以當時所有之國分配之耳天官書則以漢之分州言之故其說與星經畧異要之星土之說有一定之區限又有變通之義倘執一以求之則古之國與漢之州終格格而不相入班固及費直蔡邕鄭康成皆同古說晉志依用陳卓之言不明星經言國史記言州所以相合之故乃強爲牽附使之齟齬不可通故宋洪邁容齋隨筆云最不可曉者莫如晉志也唐一行言兩戒河山其說本於天官書街南之語而引申之以七宿之中分四象中位自上古之北首以度數記之而著其分野其州縣雖改隸不同但據山河以分爾斯言最爲精博後之人無以過也棗強七國時趙地漢隸清河後屬信都地理志云昂畢分野北有信都東有清河唐志云大梁分野東及清河信都北據中山冀定前明及

國初棗邑皆隸真定其分野當在昴畢固無可疑宋中興志云王奕曰天本無度二十八宿亦未始有度也天體冲漠雖分為三百六十五度然其度難別也推步者隸其度於二十八宿用以紀日月所躔而已沈括筆談曰天事本無度不分之無以寓其數循黃道日之所行一晷當者止二十八宿星而已蓋昴畢所該甚廣全趙同古故漢唐諸書不言某邑入於某度也

沿革

棗強於禹貢屬兗州之城

尚書禹貢濟河惟兗州傳東南據濟西北距河疏正義曰

據謂跨之距至也周禮河東曰兗州河內曰冀州爾雅釋地兩河間曰冀州郭璞註自東河至西河濟河

間曰兗州註自河東至濟邢昺疏至於大伾折而北

流過降水至於大陸又北播為九河同為逆河入於

海謂之東河前漢書地理志信都禹貢絳水入海杜

氏通典冀州郡理東入兗州之域西入冀州之域禹

貢故跡以洺水為界也胡夢龍縣志周冀東城兗西

界單作哲縣志案兗西以大河為界禹貢雖指冀兗

分界當以徒駭故道即今漳水所行是也河自汲縣

南東北流至黎陽縣西南出大伾上陽三山之間蘇

代謂之宿胥口酈道元謂之宿胥故瀆李垂謂之西河故瀆潯縣舊志云在縣西十里又北至列人斥章之境左會衡漳經所謂北過降水也又東北入於海及周定王時南徙則衡漳東出循河故道而下至東光縣西與大河合王莽時河益徙而南漳水遂專達於海故以今輿地言之白潯縣北至鉅鹿南宮新河冀州以達天津凡漳水所經皆禹時冀東瀕河之地中流與充分界棗強爲古兗州之域決矣

春秋時屬齊後屬晉戰國時屬趙

左傳賜我先君履東至於海西至於河疏

正義曰九河故道徒駭最西以次而東故鄭註禹貢河間弓高以東往往有其遺處尚書中候云齊桓霸遏八流以自廣計桓公之時齊之西竟當在九河最西之徒駭胡志春秋晉棘津地案元和郡縣志棘津故城在縣東北二十七里左傳晉荀吳帥師涉自棘津單志春秋屬齊戰國屬趙案棗強縣春秋時應屬齊域而通典通考皆云屬晉或據其後而追溯之要自三家分晉以前其屬齊固無可疑者史記晉世家言晉四封曰東至河內是大河以東非晉境也棗非河東之疆域乎趙世家武靈王十七年王出九門爲野臺以望齊中山之境九門在常山中山今定州以西境又武靈王曰吾國東有河薄洛之水與齊中山

同之注安平經縣有漳水津名薄洛津又曰先王阻漳滏之險立長城是趙至武靈王時其東域猶北不越正定南不越漳滏也謂前此棗已屬晉可乎春秋緯寶乾圖云齊呂填闕八流以自廣鄭康成云齊桓霸世塞廣田居同爲一河故自堰以東城池並存川邱鬲般廣川信都東光河間樂成以東城池並存川瀆多亡此又河東屬齊之明証也謂棗非齊境可乎惟自武靈王以後滅中山拔昔陽趙地日闢齊地漸促然後齊之西北境昔以九河之徒駭爲界者今以南徙之河爲界而棗強始爲趙域矣故棗強之在春秋以爲屬齊固無可疑者銜蕙案通典通考皆云冀州春秋時屬晉地棗強屬故胡志以爲春秋時屬晉也畢志春秋屬齊辨之甚詳引史記晉世家東至河內爲證蓋史記言獻公二十五年時疆域也自文公定霸以後疆土日闢當不止是前漢書地理志趙分晉得趙國北有信都與定常山中山東有廣平鉅鹿清清河間又得勃海郡之東平舒中邑又前漢棗強屬清河郡是當爲趙地矣史記趙世家吾國東有河薄洛之水與齊中山同之正義曰爾時齊與中山相親中山趙共薄洛水故言與齊中山同之據此是薄洛水非與齊同也蓋棗邑春秋時當屬齊後屬晉七國時屬趙庶乎得之

秦并天下以其地屬鉅鹿

〔史記〕秦始皇本紀二十六年分天下以爲三十六郡〔元和

郡縣圖志〕秦屬鉅鹿郡〔太平寰宇記〕秦并天下置三十六郡屬鉅鹿杜氏通典文獻通考皆同

漢始置棗強縣屬冀州清河郡又置廣川縣屬信都國

〔前漢書地理志〕清河郡屬冀州縣十四其十三曰棗

強信都國屬冀州縣十七其十曰廣川〔史記〕王子侯

者年表〕元朔三年十月癸酉棗強侯劉晏元年元朔

四年四月甲午廣川侯劉頗元年〔元和郡縣圖志〕漢

高帝分趙鉅鹿立清河郡棗強屬其地棗木強盛故

曰棗強〔太平寰宇記〕棗強本漢舊縣地武帝封廣川

王子晏爲

侯卽此

東漢省棗強入廣川縣屬冀州清河國

〔後漢書郡國志〕清河國廣川故

屬信都有棘津城永初元年鄧太后分

置廣川王國後王薨國除還益清河

三國魏因之

〔晉書地理志〕魏武定霸三方鼎立得漢郡者五十四焉〔案〕胡志云魏復省廣川縣置

棗強縣屬安平國

未審所據蓋誤也

晉以廣川縣屬冀州渤海郡尋復置棗強縣屬廣川郡

晉書地理志冀州渤海郡統縣十其九曰廣川惠帝之後冀州淪沒於石勒後歷慕容儁苻堅孝武太元八年堅敗其地入慕容垂卒滅於魏魏書地形志棗強晉屬廣川軍志案晉書地理志無棗強縣通鑑晉穆帝永和八年劉顯大司馬清河王寧以棗強降魏注棗強縣前漢屬清河郡後漢晉省尋復置屬信都郡安帝隆安二年廣川太守註云廣川縣前漢屬信都國後漢屬清河郡晉屬渤海郡後分為廣川郡是晉時復置棗強初屬信都後又屬廣川矣

北魏以棗強縣屬冀州長樂郡兼置廣川索盧二縣尋

併入廣川後復置魏書地形志冀州長樂郡棗強前漢屬清河後漢罷晉復屬廣川神瑞二

年併廣川太和二十二年併廣川太和二十二年屬有棗強城索盧晉屬

廣川神瑞二年併廣川太和二十二年屬有棗強城索盧晉屬

城廣川前漢屬後漢屬清河晉屬廣川後屬元和郡

縣圖志後魏冀州亦理於鄴仍於信都為舊冀州之

理置長樂郡棗強屬軍志案地形志棗強索盧下俱

云晉屬廣川神瑞年併廣川太和年復置則索盧亦

係晉縣魏明元帝時與棗強併省孝文帝時併復置耳胡志云後魏并置棗強廣川二縣太和十八年復割棗強廣川地置索盧縣不知何据姑存備考

北齊棗強仍屬長樂郡廢索盧廣川二縣入焉

隋書地理志棗

疆舊縣後齊廢索盧廣川二縣入焉太平寰宇記案縣道記云今棗強縣東北十八里有廣川王故城慕容垂于此置廣川郡後魏孝文太和十一年廢郡高齊天保七年省廣川縣因移棗強縣理此城屬長樂郡

周因之

太平寰宇記後魏長樂郡兼置冀州北齊後周皆因之文獻通考同

隋屬冀州信都郡

隋書地理志信都郡舊置冀州棗疆屬開皇六年復置廣川縣仁壽初改

名長河屬平原郡元和郡縣圖志隋開皇三年罷長樂郡為冀州大業三年復為信都郡棗強屬太平寰

宇記隋開皇二年又自故城移棗強於今理

唐屬河北道冀州

舊唐書地理志冀州隋信都郡武德四年改為冀州六年置總管府管冀

貝深宮四州貞觀元年廢都督府龍朔二年改為魏
州都督府咸亨三年復舊天寶元年改為信都乾元
元年復舊領縣六棗強屬新唐書地理志冀州信都
郡棗強上元和郡縣圖志信都郡隋末陷賊武德四
年討平竇建德改為冀州棗
強隋開皇三年屬唐因之

五代屬成德軍冀州

新唐書方鎮表開元二十年以冀
州隸幽州節度代宗廣德元年改

隸成德軍節度昭宣帝天祐二年更成德軍號武順
軍五代史王鎔傳鎔父景崇以上四世五人皆為成
德軍節度使梁太祖即位封鎔趙王後梁龍德元年
鎔為將張文禮所殺唐莊宗誅文禮地入於晉五代
史職方考唐復以武順軍為成德
軍石晉改曰順德漢復曰成德

宋屬河北東路冀州

宋史地理志河北路舊分東西兩
路後併為一路熙寧六年再分為

兩路東路冀州上信都郡舊團練慶歷八年升安武
軍節度縣六棗強上熙寧元年省為鎮入信都十年
復置又云河間府慶歷八年始置高陽關路安撫使
統瀛莫雄貝冀滄永靜保定乾寧信安一十州軍文
獻通考棗強漢縣
建炎二年陷於金

金屬河北東路河間府冀州〔金史地理志〕天會七年析河北為東西各路各置本路

兵馬都總管府一節鎮二河間府置總管府河北東

西大名等路提刑司又云冀州上宋信都郡天會七

年仍舊置安武軍節度縣五棗強鎮一廣川後廢〔胡志〕金天會四年河溢城圯十年自舊縣遷於今治

元屬真定路冀州隸燕南河北道肅政廉訪司〔元史地理志〕冀

州上領五縣棗彊中

明屬直隸真定府冀州〔明史地理志〕真定府冀州領縣

定府直隸京師冀州棗強縣編戶一十七里〔案〕明史

洪武元年十月改隸山東三月置北平府隸河南行中書省領

二年正月改隸山東三月置北平府隸河南行中書省領

府八先屬山東河南者皆復其舊九年六月改行中書省為承宣布政使司永樂元年正月建北京於順

天府二月罷北平布政使司以所領直隸北京行部

十九年正月改北京為京

師罷北京行部直隸六部

國朝初因之後置直隸布政使司陞冀州為直隸州棗強

仍屬焉

畿輔通志明裁北平布政司其所屬諸府改曰直隸不隸於布政司而直隸於戶部也既裁布

政司因併省按察司別設守巡二道分統順天及直隸諸府錢穀刑名事我

朝

因明之舊官制從同雍正二年始置布按二司冀州爲直隸州以棗強仍屬

疆域

縣境東西廣四十五里南北袤九十里

東至河間府故城縣界三十里以本縣邵福村爲界自界至故城縣治六十里

西至冀州界十五里以本縣崔村舖爲界自界至州治十里

南至南宮縣界六十里以本縣白塔村爲界自界至清河縣治四十里偏西至南宮縣治七十里

北至衡水縣界二十里以本縣蕭張鎮爲界自界至衡水縣治三十里

東南至山東武城縣界四十五里以本縣陡河村爲界自界至武城縣治四十五里

西南至南宮縣界三十五里以本縣紙房頭村爲界自界至南宮縣治三十五里

東北偏北至武邑縣界三十里以本縣山城村爲界自界至武邑縣治四十里偏東至景州界三十五里以本縣大王常村爲界自界至景州治五十五里

西北至冀州衡水界三十里以本縣齊官屯村爲界自界至州治二十里至衡水縣治三十里

北至省城保定府三百二十里

京師六百五十里

里社

在城社 東郭社 婁子社 嘉會社 邢村社

梅張社 蘇穀社 楊城社 賈莊社 衡店社

新興社 新安社 望軍社 馬均社 泰胡社

鄭莊社 楊莊社 永寧社 安福社 興仁社

案明制百一十戶爲一里每里爲社推丁糧多者十戶爲長餘爲十甲歲役里甲長各一人以供差徭棗邑原編二十五里後併三里正德時盜寇殘破戶多逋亡又併楊興姜松二里凡二十社今因之民戶雖

有移徙而丁糧之冊猶仍其舊

保甲

棗邑凡大小五百九十二村莊分八十一保以六地方分統之

案明制十家爲甲甲立一長十甲爲保保立一正一副無事相稽有事相救其隱匿不舉及退避不前者治以連坐之罪蓋弭盜安民之要務也

縣前地方分統十六保

楊官保

徐楊官村

城東南十里

楊家莊

楊官村西北五里距城五里

黑馬村

楊官村西北三里距城八里

吳楊官

楊官村南一里距城十一里

閆楊官

楊官村東一里
距城十一里

阮楊官

楊官村西一里
距城九里

大望軍保

大望軍

城東南十八里

劉家莊

望軍南二里
距城二十里

焦家莊

望軍北二里
距城十八里

李家莊

望軍西南二里
距城十九里

新莊

望軍西南二里
距城十八里

小望軍保

小望軍

城東南二十里

于勝屯

小望軍西北四里
距城十五里

大陣勝保

王進伯

城東二十五里

李進伯

王進伯東一里
距城二十四里

蘇谷村

王進伯北四里
距城十九里

樸莊

王進伯北五里
距城二十三里

小陣勝保